



1. Վիշտ ու ցավով պատած հոգի,
Ապավինի՛ր Աստծուն,
Քո ցավերը Նա կամոքի
Եվ կտա քեզ օրհնություն:

Մի՛ վախիր դու խավար ժամին,
Քո Աստծուն հավատա,
Ինչ որ Աստված խոստացել է,
Նա անպայման քեզ կտա:

2. Թող չհաղթի քեզ թշնամին
Խավարի և մութի մեջ,
Նայի՛ր դու և տես քո Փրկչին
Մահվան մեծ տագնապի մեջ:

3. Կուգե՛ս ապրել Հիսուսի հետ,
Պետք է մեռնի քո «ես»-ը,
Կուգես լինել դու օգտավետ՝
Մահով է ճանապարհը:

4. Թող փարատվին կասկածները,
Պինդ բռնիր Տեր Հիսուսին,
Նա կտա քեզ բարիքները՝
Նա սիրում է Իր որդուն: